

Buletin **Bandaraya** MAJLIS BANDARAYA ISKANDAR PUTERI



BIL.3/2021 UKPA

Laman Sesawang : www.m bip.gov.my | e-mel : admin@m bip.gov.my

LAWATAN KERJA MENTERI KESIHATAN KE PUSAT PEMBERIAN VAKSIN (PPV)



- LAWATAN KERJA YAB MENTERI BESAR JOHOR KE PUSAT PEMBERIAN VAKSIN (PPV)
- TITIPAN KASIH UNTUK FRONTLINERS
- HULURKAN TANGAN RINGANKAN BEBAN



@mbipofficial



@mbipofficial



019 7555404



MBIP- Majlis Bandaraya Iskandar Puteri



Hotline Call Centre 1-300-80-5000

SIDANG EDITOR

PENASIHAT

Yang Berhormat Dato' Haji Mohd Haffiz bin Haji Ahmad
Datuk Bandar

Yang Berbahagia Tuan Haji Abu Bakar bin Mohamed Salleh
Setiausaha

KETUA EDITOR

Encik Azrullail bin Masiyan

EDITOR

Puan Siti Nuratiqah binti Abu Amin
Puan Maizatul Akmar binti Rabudin

SIDANG EDITOR

Encik Mohamad Nor Azhar bin Noor Mohamed
Puan Nur Fazira binti Mohd. Isa
Puan Normalah binti Othman
Encik Fahkrul Anuar bin Salleh

PEREKA

Encik Al-Imran bin Ariffin

JURUFOTO

Encik Mohd Farithrizal bin Md. Zain

PENERBIT

Unit Korporat dan Perhubungan Awam
Majlis Bandaraya Iskandar Puteri
Jalan Medini Sentral 9, Bandar Medini Iskandar,
79250 Iskandar Puteri, Johor Darul Ta'zim

Telefon : 07- 5555000
Call Centre : 1300-80-5000
Faks : 07- 5567831
Emel : admin@mbip.gov.my
Whatsapp Aduan : 019-7555404
Twitter : @mbipofficial
Instagram : @mbipofficial
Facebook : MBIP - Majlis Bandaraya
Iskandar Puteri

ISI KANDUNGAN

PERISTIWA

PROGRAM PENDAFTARAN VAKSIN COVID-19 NEGERI JOHOR	[03]	BANCI MALAYSIA 2020	[22]
PROGRAM SUMBANGAN BARANG DAPUR	[04]	PROGRAM VAKSINASI BERGERAK ANAKU	[22]
HULURKAN TANGAN RINGANKAN BEBAN	[04]		
OPERASI BERSEPADU BERSAMA JABATAN ALAM SEKITAR	[05]	ZOOM	
PROGRAM OUTREACH SUNTIKAN VAKSIN COVID-19 DAERAH JOHOR BAHRU ANJURAN PEJABAT KESIHATAN JOHOR BAHRU	[06]	KAKITANGAN BERSARA	[23]
LAWATAN KERJA DATUK BANDAR MBIP KE PUSAT PEMBERIAN VAKSINASI (PPV)	[07]	JASAMU DIKENANG (KAKITANGAN YANG TELAH MENINGGAL DUNIA	[23]
PROGRAM GOBOK RAKYAT JOHOR	[07]	PELANTIKAN KAKITANGAN BAHARU (KONTRAK)	[23]
PROGRAM PENYERAHAN BAKUL MAKANAN KEPADA PERSATUAN TEKSI TAMAN UNIVERSITI BERSAMA YAYASAN PENYAYANG ISKANDAR PUTERI	[08]		
LAWATAN DATUK BANDAR MBIP MENINJAU PERSIAPAN PUSAT PEMBERIAN VAKSIN (PPV)	[09]		
LAWATAN KERJA MENTERI KESIHATAN KE PUSAT PEMBERIAN VAKSIN (PPV)	[10]		
PROGRAM SUMBANGAN KASIH LEBARAN	[11]		
LAWATAN KERJA YAB MENTERI BESAR JOHOR KE PUSAT PEMBERIAN VAKSIN (PPV)	[12]		
BANTUAN PEMBERSIHAN KEJADIAN RIBUT DAN ANGIN KUAT	[13]		
LAWATAN KERJA DATUK BANDAR MBIP KE TAPAK ISU BERBANGKIT	[14]		
TITIPAN KASIH UNTUK FRONTLINERS	[15]		
PROGRAM IMUNISASI OUTREACH VAKSINASI COVID-19 DAN PELANCARAN BAS VAKSIN MBIP	[16]		
SAMBUTAN BULAN KEBANGSAAN DAN KIBAR JALUR GEMILANG PERINGKAT NEGERI JOHOR TAHUN 2021	[17]		
UJIAN RINTIS AUTOMATED RAPID TRANSIT (ART)	[18]		
PROGRAM IMUNISASI OUTREACH VAKSINASI COVID -19 ANJURAN AHLI MAJLIS MBIP ZON TUN AMINAH	[19]		
"INISIATIF GAYA HIDUP BEBAS SISA" MBIP	[20]		
SISTEM E-PELANGGAN	[20]		
LAWATAN DATUK BANDAR KE SUNGAI MELAYU	[21]		
SUMBANGAN FOOD BANK	[21]		

PROGRAM PENDAFTARAN VAKSIN COVID-19 NEGERI JOHOR

Oleh: Mohamad Nor Azhar bin Noor Mohamed

Menjunjung titah DYAM Mejaz Jeneral Tunku Ismail Ibni Sultan Ibrahim, Tunku Mahkota Johor. Southern Volunteers terus digerakkan bagi membantu proses pendaftaran vaksinasi di peringkat akar umbi secara bersempua dengan penduduk dan orang awam bermula 19 Jun 2021 hingga 24 Julai 2021. Sesi program pendaftaran vaksinasi ini bermula seawal jam 9.00 pagi sehingga jam 5.00 petang.

Sasaran pendaftaran perlu dicapai adalah sekurang-kurangnya 80% bangsa Johor pada bulan hadapan yang telah berdaftar dapat menerima suntikan vaksin Covid-19 dalam usaha mewujudkan imuniti kelompok bagi mencapai liputan imunisasi yang tinggi. Imunisasi mampu melindungi individu, keluarga, masyarakat dan negara.

Sukarelawan Southern Volunteers MBIP mengambil initiatif untuk turun padang, bergerak ke setiap kediaman dan taman perumahan dengan kerjasama Pejabat Daerah, Pihak Berkusa Tempatan, Penghulu, Ketua Kampung dan agensi-agensi bagi membantu rakyat Johor mendaftar sebagai penerima vaksin.

Terima kasih kepada semua yang terlibat. Sama-sama kita terus berusaha untuk menjayakan agenda ini.



PROGRAM SUMBANGAN BARANG DAPUR

Oleh: Editor

Program Sumbangan Barang Dapur daripada Puan Rahamizon binti Abdul Ghani, Ahli Majlis Zon 3 kepada penduduk Flat Taman Pulai Perdana pada 2 Julai 2021.

**HULURKAN TANGAN RINGANKAN BEBAN**

Oleh: Editor

Pada 14 Jun 2021, program bakul makanan dilancarkan bagi membantu penduduk-penduduk di kawasan Kampung Baru Kangkar Pulai. Turut hadir ialah Encik Joseph Fu, Ahli Majlis MBIP, Encik Adnan, Ketua Kampung Melayu dan Encik Wong Jih Farn, Bekas Ketua Masyarakat Kampung Baru Kangkar Pulai. Tujuan program dilaksanakan untuk meringankan beban mereka yang terkesan akibat pandemik Covid-19.

Manakala pada 11 Jun 2021, Puan Hajah Zainab binti Othman, Ahli Majlis Zon 2 telah menghulurkan sumbangan bakul makanan kepada penduduk di Kangkar Pulai dan Kampung Baru Kangkar Pulai yang turut terkesan akibat pandemik Covid-19.



OPERASI BERSEPADU BERSAMA JABATAN ALAM SEKITAR

Oleh: Editor

Pada 6 Julai 2021, operasi bersepadu bersama Jabatan Alam Sekitar Negeri Johor (JASNJ), Ahli Majlis Zon Nusa Bayu, wakil daripada pihak pemaju UEM dan wakil penduduk telah dijalankan bagi menangani aduan pencemaran udara (bau) yang diterima oleh Majlis Bandaraya Iskandar Puteri (MBIP) dan JASNJ melibatkan kawasan sekitar Nusa Bayu. Operasi berlangsung di sekitar sungai dan kolam takungan di dalam kawasan industri SiLC dan kedua-dua pihak telah berjaya mengenal pasti beberapa punca yang berpotensi menyumbang kepada aduan yang diterima. Pihak MBIP ingin mengucapkan ribuan terima kasih kepada semua yang terlibat dalam menjayakan operasi ini. Pihak MBIP akan terus menjalankan penguatkuasaan secara rapi dan memandang serius segala aduan yang diterima khususnya daripada orang awam.



PROGRAM OUTREACH SUNTIKAN VAKSIN COVID-19 DAERAH JOHOR BAHRU ANJURAN PEJABAT KESIHATAN JOHOR BAHRU

Oleh: Editor

Pada 9 Julai 2021, telah diadakan pada 9 julai 2021 di Balai Islam Kampung Maju Jaya. Program Outreach Suntikan Vaksin Covid-19 Daerah Johor Bahru anjuran Pejabat Kesihatan Johor Bahru. Program ini diadakan untuk membantu penduduk kampung mendapatkan suntikan vaksin Covid-19 tanpa perlu ke Pusat Pemberian Vaksin (PPV) yang berhampiran bagi mempercepat proses pemberian suntikan vaksin Covid-19 kepada penduduk kampung. Program yang dianjurkan oleh Pejabat Kesihatan Johor Bahru merupakan hasil kerjasama Majlis Bandaraya Iskandar Puteri dan Encik Mustaqim bin Dato' Yusof, Ahli Majlis Zon 15.

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah membuat lawatan bagi meninjau proses pemberian vaksin Covid-19 kepada penduduk di Kampung Maju Jaya yang dilaksanakan oleh doktor dan petugas kesihatan daripada Pejabat Kesihatan Johor Bahru.

Program diadakan adalah memfokuskan pemberian dos pertama kepada penduduk kampung yang terpilih dan akan diadakan sekali lagi pada 30 Julai 2021 bagi pemberian dos kedua. Program berjalan dengan lancar dan tersusun dengan pemantauan dan pematuhan Prosedur Operasi Standard (SOP).



LAWATAN KERJA DATUK BANDAR MBIP KE PUSAT PEMBERIAN VAKSINASI (PPV)

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah turun padang. Pada 10 Julai 2021, di beberapa lokasi pendaftaran vaksinasi untuk melihat dan memantau gerak kerja yang dijalankan oleh sukarelawan Southern Volunteers MBIP sepanjang proses pendaftaran vaksin Covid-19.

Beliau mengambil kesempatan untuk bertemu dan beramah mesra bersama penduduk yang hadir untuk mendaftar sebagai penerima vaksin.

Orang awam yang hadir telah diberikan pelitup muka bercirikan anti bakteria sumbangan daripada Yayasan Sultan Ibrahim. Lawatan kerja turut disertai oleh Tuan Haji Che Wan Farid bin Che Wan Abd Rahman, Ahli Majlis MBIP Zon 22 dan Dato' Haji Abd Rashid bin Kasman, Ahli Majlis MBIP Zon 24 yang bersama-sama membantu menjayakan program pendaftaran pada hari ini bersama-sama Ahli Jawatankuasa penduduk zon masing masing.



PROGRAM GOBOK RAKYAT JOHOR

Oleh: Editor

Program Gobok Rakyat Johor diadakan pada 11 Julai 2021 di Pejabat Penghulu Mukim Jelutong Daerah Johor Bahru. Program ini merupakan salah satu inisiatif di bawah Pakej Rangsangan Ekonomi (PRE) Ihsan Johor 3.0. Pelaksanaan program yang bermula pada hari ini disaksikan sendiri oleh Yang Amat Berhormat Dato' Haji Hasni bin Mohamad, Menteri Besar Johor dengan disertai oleh Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Yang Berhormat Dato' Haji Abdul Rahman bin Salleh, Pegawai Daerah Johor Bahru.



Turut sama dalam program ini Penghulu Mukim Jelutong, ketua-ketua masyarakat dan penerima-penerima sumbangan. Penganjuran Program Gobok Rakyat Johor ini diharap dapat sedikit sebanyak dapat membantu rakyat yang terkesan dan memerlukan bantuan serta terputus bekalan makanan akibat pandemik Covid-19.



PROGRAM PENYERAHAN BAKUL MAKANAN KEPADA PERSATUAN TEKSI TAMAN UNIVERSITI BERSAMA YAYASAN PENYAYANG ISKANDAR PUTERI

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri bersama-sama Tuan Haji Mohammad Khairi bin A. Mallik, Pengurus Yayasan Penyayang Iskandar Puteri telah menyerahkan bakul makanan kepada beberapa ahli Persatuan Teksi Taman Universiti dalam satu majlis ringkas yang diadakan pada 17 Julai 2021 di Pusat Hentian Teksi Taman Universiti.

Turut hadir bersama Encik Fakhru Zafran bin ABSL Kamarul Azman, Ahli Majlis Zon 5 Taman Universiti Pengurus Persatuan Teksi Taman Universiti dan penerima-penerima sumbangan. Diharapkan program seumpama ini dapat membantu meringankan beban yang dihadapi oleh golongan pemandu teksi yang terkesan akibat pandemik Covid-19.



LAWATAN DATUK BANDAR MBIP MENINJAU PERSIAPAN PUSAT PEMBERIAN VAKSIN (PPV)

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama-sama dengan Tuan Haji Abu Bakar bin Mohamed Salleh, Setiausaha MBIP telah meninjau persiapan bagi pembukaan Pusat Pemberian Vaksin (PPV) di Dewanraya Taman Nusantara. Pemantauan ini bertujuan untuk melihat secara menyeluruh daripada pelbagai aspek dan persediaan yang telah dilaksanakan sebelum pembukaan secara rasmi dijalankan.

Turut menghadiri sesi lawatan ini ialah Tuan Haji Pandak Bin Haji Ahmad, Ahli Majlis Zon 13 Kota Iskandar, ketua-ketua jabatan MBIP dan wakil wakil dari Pejabat Daerah Johor Bahru, Pejabat Tanah Johor Bahru, Jabatan Kesihatan Negeri Johor, PDRM, Gleneagles Hospital, RELA dan Jabatan Belia dan Sukan Johor.

Pembukaan PPV di Dewanraya Taman Nusantara ini dapat mempercepat lagi proses pemberian vaksin Covid-19 kepada warga penduduk di dalam kawasan pentadbiran Iskandar Puteri yang telah mendaftar. Diharapkan penularan wabak Covid-19 dapat diatasi dan berakhir dengan cepat.



LAWATAN KERJA MENTERI KESIHATAN KE PUSAT PEMBERIAN VAKSIN (PPV)

Oleh: Editor



Yang Berhormat Dato' Sri Dr Adham bin Baba, Menteri Kesihatan Malaysia telah mengadakan lawatan kerja bagi meninjau persiapan pembukaan Pusat Pemberian Vaksin (PPV) di Dewanraya Taman Nusantara, Gelang Patah. Pada 18 Julai 2021, Turut hadir menyertai lawatan kerja ini ialah Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Yang Berhormat Dato' Haji Abdul Rahman bin Salleh, Pegawai Daerah Johor Bahru.

Turut hadir sama ketua-ketua jabatan MBIP dan wakil-wakil dari Pejabat Daerah Johor Bahru, Pejabat Tanah Johor Bahru, Jabatan Kesihatan Negeri Johor, PDRM, Gleneagles Hospital, RELA dan Jabatan Belia dan Sukan Johor.

Dengan pembukaan PPV di Dewanraya Taman Nusantara ini diharap akan mempercepatkan lagi proses pemberian vaksin Covid-19 kepada warga penduduk di dalam kawasan pentadbiran Majlis Bandaraya Iskandar Puteri yang telah mendaftar.



PROGRAM SUMBANGAN KASIH LEBARAN

Oleh: Editor

Program Sumbangan Kasih Lebaran anjuran Puspanita Majlis Bandaraya Iskandar Puteri (MBIP) telah diadakan pada 18 Julai 2021 (Ahad). Seramai 30 orang penerima yang terdiri daripada kakitangan majlis yang sakit, pesara, kematian suami/isteri dan ibu tunggal yang menetap di kawasan pentadbiran MBIP telah menerima sumbangan Bakul Kasih Lebaran sempena Hari Raya Aidiladha yang disampaikan oleh Yang Berbahagia Datin Hajah Norita binti Zaini, Pengurus Puspanita MBIP dan Ahli Jawatankuasa.



LAWATAN KERJA YAB MENTERI BESAR JOHOR KE PUSAT PEMBERIAN VAKSIN (PPV)

Oleh: Editor

Pada 22 Julai 2021, Yang Amat Berhormat Dato' Haji Hasni bin Mohamad, Menteri Besar Johor telah mengadakan lawatan kerja bagi meninjau proses pemberian vaksin kepada penerima di Pusat Pemberian Vaksin (PPV) Dewanraya Taman Nusantara, Gelang Patah.

Turut hadir dalam lawatan ini ialah Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Yang Berhormat Dato' Haji Abdul Rahman bin Salleh, Pegawai Daerah Johor Bahru. Selain itu, turut hadir juga pegawai-pegawai dari MBIP, Pejabat Daerah Johor Bahru, Pejabat Tanah Johor Bahru, Jabatan Kesihatan Negeri Johor, PDRM IPD Iskandar Puteri, Gleneagles Hospital, RELA dan Jabatan Belia dan Sukan Johor.

Semasa lawatan ini juga, YAB Menteri Besar berkesempatan beramah mesra petugas-petugas kesihatan, sukarelawan dan orang-orang awam yang hadir.

Pembukaan PPV Dewanraya Taman Nusantara diharap dapat mempercepat proses pemberian vaksin Covid-19 kepada warga penduduk di dalam kawasan pentadbiran Iskandar Puteri.



BANTUAN PEMBERSIHAN KEJADIAN RIBUT DAN ANGIN KUAT

Oleh: Editor

Kejadian ribut dan angin kuat telah melanda Tanjung Sedili, Kota Tinggi kira-kira jam 3.00 petang pada 24 Julai 2021 berikutkan fenomena hujan lebat yang berlaku lebih daripada dua jam. Dalam kejadian semalam, hujan lebat bermula kira-kira jam 3 petang yang kemudiannya disusuli ribut dan angin kencang telah menyebabkan 291 buah rumah dan beberapa bangunan kerajaan mengalami kerosakan manakala lebih 20 batang pokok tumbang. Majlis Bandaraya Iskandar Puteri (MBIP) telah menghantar misi bantuan bagi membantu kerja-kerja pembersihan yang dijalankan oleh Majlis Daerah Kota Tinggi. Misi bantuan melibatkan seramai 17 anggota dan lima kenderaan berserta peralatan pembersihan telah digerakkan ke lokasi bencana.

Antara tugas yang telah diaturkan kepada MBIP adalah kerja-kerja pembersihan pokok tumbang yang menghalang jalan.



LAWATAN KERJA YB DATUK BANDAR MAJLIS BANDARAYA ISKANDAR PUTERI

Oleh: Editor

Yang Berhormat Datuk Bandar MBIP telah melakukan lawatan kerja pada 28 Julai 2021 di beberapa lokasi bersama Ketua Jabatan, Ahli Majlis dan wakil agensi bagi mencari jalan penyelesaian terhadap beberapa isu berbangkit:

1. Isu Tangki Air Ranhill SAJ di Jalan Kunang-Kunang Taman Damai Jaya.

Isu ini telah disuarakan oleh Ahli Majlis Zon Kangkar Pulai sejak sekian lama di mana tangki air Ranhill SAJ yang terbiar meresahkan pihak penduduk dan kerap berlaku pencerobohan. Tangki air ini tidak diselenggara dengan baik dan boleh membahayakan keselamatan penduduk sekitar.

2. Isu Gerai Peniaga di Jalan Desa Permai.

Isu gerai sementara yang tidak tersusun dan dibina sendiri oleh peniaga telah mendapat perhatian Datuk Bandar dan Ahli Majlis Zon Kangkar Pulai. MBIP bercadang untuk membina gerai yang lebih tersusun untuk peniaga-peniaga di kawasan tersebut.

3. Isu Banjir kilat di Jalan Makmur 24 dan kawasan sekitar Taman Damai Jaya.

Yang Berhormat Datuk Bandar telah melihat dan meninjau kawasan kolam tadahan serta rumah pam di lokasi ini. Beliau juga berkesempatan mendengar aduan dari permasalahan yang timbul akibat kejadian banjir kilat yang sering berlaku di kawasan ini.

4. Cadangan menaiktaraf gelanggang permainan sedia ada dan penyediaan tapak niaga untuk penjaja-penjaja kecil di Taman Damai Jaya.

5. Isu Jejantas Di Lima Kedai.

YB Datuk Bandar ingin mendapatkan maklumat terkini berkenaan kesesuaian pembinaan jejantas di Lima Kedai.

6. Cadangan Pembinaan Gerai di Perumahan Lima Kedai.

Lawatan untuk mengenal pasti cadangan pembinaan gerai di kawasan perumahan Lima Kedai.

7. Cadangan Tapak Pasar Awam Gelang Patah.

Yang Berhormat Datuk Bandar telah mengadakan sesi untuk menentukan kesesuaian cadangan tapak bagi pasar awam Gelang Patah di rezab Terminal Bas dan Teksi Taman Nusantara.



TITIPAN KASIH UNTUK *FRONTLINERS*

Oleh: Editor

Sempena Ulangtahun Hari Keputeraan Duli Yang Maha Mulia Raja Zarith Sofiah binti Almarhum Sultan Idris Shah, Permaisuri Johor pada hari ini 14 Ogos 2021 bersamaan 5 Muhamarram 1443H.

Majlis Bandaraya Iskandar Puteri yang diketuai oleh Yang Berhormat Dato' Haji Mohd Haffiz bin Haji Ahmad, Datuk Bandar MBIP dan Southern Volunteers MBIP telah menyampaikan sumbangan juadah makanan KFC kepada para petugas barisan hadapan *frontliners* di dalam kawasan pentadbiran Majlis Bandaraya Iskandar Puteri.

Juadah makanan ini telah disampaikan kepada *frontliners* di PPV UTM, PPV Dewanraya Taman Universiti, PPV Dewanraya Taman Nusantara, PPV Eco Botanics, PPV Educuity, Pusat Sehenti Penilaian COVID-19 (OSCAC) di Dewan Serbaguna Taman Bukit Indah, Sekatan Jalan Raya (SJR) di Skudai-Taman Teknologi Senai, SJR Seelong-Kampung Maju Jaya, SJR Kampung Arang-Gelang Patah dan SJR Forest City-Pelabuhan Tanjung Pelepas (PTP).

Seramai 1,000 orang petugas barisan hadapan yang bertugas pada hari ini telah menerima juadah yang diberikan. Pihak MBIP juga menyampaikan juadah makanan kepada penghuni di Pusat Perlindungan Wanita di Taman Perling.



PROGRAM IMUNISASI OUTREACH VAKSINASI COVID-19 DAN PELANCARAN BAS VAKSIN MBIP

Oleh: Editor

Pada 20 Ogos 2021, Program Imunisasi Outreach Vaksinasi Covid-19 dan Pelancaran Bas Vaksin MBIP telah diadakan di Dewanraya Kampung Sungai Melayu Gelang Patah. Program diadakan bertujuan untuk membantu penduduk-penduduk kampung dan penduduk di kawasan sekitarnya bagi mendapatkan suntikan vaksin Covid-19 tanpa perlu ke Pusat Pemberian Vaksin (PPV) yang berhampiran bagi mempercepat proses pemberian suntikan vaksin Covid-19 dalam usaha mencapai imuniti berkelompok.

Program ini telah dianjurkan oleh Pejabat Kesihatan Johor Bahru, bersama-sama JPKD Kota Iskandar, Pejabat Daerah Johor Bahru, Majlis Bandaraya Iskandar Puteri, Tuan Haji Pandak bin Haji Ahmad, Ahli Majlis Zon 13 Kota Iskandar, JPKK Kampung Sungai Melayu, Southern Volunteers Daerah Johor Bahru dan Southern Volunteers MBIP.

Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama-sama Yang Berhormat Dato' Haji Abdul Rahman bin Salleh, Pegawai Daerah Johor Bahru telah hadir dan mengiringi Yang Amat Berhormat Dato' Haji Hasni bin Mohammad, Menteri Besar Johor untuk meninjau perjalanan proses pemberian vaksin di dalam bas vaksin yang dilaksanakan oleh doktor dan petugas kesihatan daripada Pejabat Kesihatan Johor Bahru. Menerusi program ini, seramai 590 orang telah menerima vaksin Covid-19.

Selain itu, sesi lawatan juga telah diadakan pada sebelah petang melalui pergerakan dari rumah ke rumah penduduk yang tidak dapat hadir ke lokasi pemberian vaksin atas faktor kesihatan untuk menerima suntikan vaksin Covid-19 oleh petugas perubatan. Program ini berjalan dengan lancar dan tersusun dengan pematuhan kepada SOP yang ketat.



SAMBUTAN BULAN KEBANGSAAN DAN KIBAR JALUR GEMILANG PERINGKAT NEGERI JOHOR TAHUN 2021

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Tuan Haji Abu Bakar bin Mohamed Salleh, Setiausaha MBIP bersama-sama pegawai dan kakitangan MBIP telah mendengar ucapan dan amanat daripada Yang Amat Berhormat Dato' Haji Hasni bin Mohamad, Menteri Besar Johor secara atas talian, pada 22 Ogos 2021 jam 3.00 petang bersempena dengan majlis Pelancaran Sambutan Bulan Kebangsaan dan Kibar Jalur Gemilang Peringkat Negeri Johor Tahun 2021. Tema bulan kemerdekaan pada tahun 2021 ini ialah "MALAYSIA PRIHATIN".



UJIAN RINTIS AUTOMATED RAPID TRANSIT (ART)

Oleh: Editor

Pada 26 Ogos 2021 jam 3 petang, sesi Ujian Rintis *Automated Rapid Transit* (ART) bagi tujuan menilai prestasi dan operasi kenderaan di Iskandar Malaysia, Johor Bahru telah diadakan di Terminal Bas Kota Iskandar.

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri bersama pegawai-pegawai MBIP telah menaiki kenderaan tersebut bagi merasai perjalanan kenderaan tersebut sepanjang laluan ujian yang telah diaturkan.



**PROGRAM IMUNISASI OUTREACH VAKSINASI COVID -19
ANJURAN AHLI MAJLIS MBIP ZON TUN AMINAH**

Oleh: Editor

Program Imunisasi Outreach Vaksinasi Covid-19 di Zon Tun Aminah pada 3 September 2021 bertempat di Dewanraya MBIP Taman Ungku Tun Aminah telah dianjurkan oleh Dato' Radin Kartini Abdullah, Ahli Majlis MBIP. Program ini diadakan untuk membantu penduduk kawasan sekitar bagi mendapatkan suntikan vaksin Covid-19 tanpa perlu ke Pusat Pemberian Vaksin (PPV) yang berhampiran sekaligus mempercepatkan proses pemberian suntikan vaksin Covid-19 dalam usaha mencapai imuniti berkelompok. Program tersebut juga mendapat kerjasama daripada Pejabat Kesihatan Daerah Johor Bahru dan Southern Volunteers MBIP.



"INISIATIF GAYA HIDUP BEBAS SISA MBIP"

Oleh: Editor

Pada 5 September 2021, projek Gerakan Kitar Semula Fabrik oleh MBIP telah mendapat liputan "Inisiatif Gaya Hidup Bebas Sisa MBIP" di Selamat Pagi Malaysia Edisi 5 September 2021, RTM melalui slot Cerita Pagi dari Johor. Projek yang merupakan hasil kerjasama daripada UTM, IRDA, JPNJ dan SWM Enviroment ini telah dimulakan sekitar bulan April tahun ini. Projek ini telah berjaya mengutip sebanyak 17,000 kg fabrik terpakai untuk dikitar semula dan secara tidak langsung dapat menyelamatkan alam sekitar. Projek ini juga merupakan kesinambungan daripada Program Pertandingan Kalender Rendah Karbon Iskandar Puteri 2021.



SISTEM E-PELANGGAN

Oleh: Editor

Sesi uji cuba sistem e-Pelanggan yang dijalankan oleh Kumpulan Inovatif dan Kreatif (KIK) oleh Ibu Pejabat Polis Daerah Johor Bahru Utara (IPDJBU) telah diadakan di Lobi Ibu Pejabat Majlis Bandaraya Iskandar Puteri, Medini pada 6 September 2021 jam 12.30 tengah hari. Turut hadir ialah Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri bersama pegawai-pegawai MBIP.

Sistem e-Pelanggan yang berkonsepkan menggunakan konsep *paperless* secara tidak langsung dapat menyokong konsep Inisiatif Hijau, *low carbon city* dan meningkatkan keberkesanan Program Bandar Selamat. Hal ini dapat dilaksanakan melalui keupayaan sistem dalam menyimpan data-data pelanggan dan boleh disalurkan secara terus kepada pihak PDRM sekiranya melibatkan kes jenayah.



LAWATAN DATUK BANDAR KE SUNGAI MELAYU

Oleh: Editor



Pada 6 September 2021, Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama Dr Mohd Famey bin Yusof, Pengarah Jabatan Alam Sekitar (JAS) Johor, Tuan Haji Pandak bin Ahmad, Ahli Majlis MBIP serta pegawai MBIP serta JAS ke Kampung Sungai Melayu bagi melakukan peninjauan berhubung isu pencemaran Sungai Melayu yang didakwa berpunca daripada kerja-kerja tanah yang sedang dijalankan oleh pemaju di sekitar kawasan tersebut.

Sesi lawatan telah dimulakan dengan taklimat daripada Jabatan Kejuruteraan MBIP berhubung isu ini dengan diikuti oleh sesi tinjauan dengan menaiki bot menyusuri Sungai Melayu bagi melihat sendiri keadaan kualiti air di sungai tersebut. Seterusnya menuju ke tapak pembangunan Taman Aurora Sentral, Taman Bukit Senadi dan Taman Eko Botanik 2 bagi meninjau punca kepada masalah yang berlaku. Pihak MBIP dan JAS telah mengeluarkan arahan bagi pematuhan syarat kerja tanah dan alam sekitar untuk tindakan pihak pemaju, manakala pemantauan bersama pihak JAS akan diadakan dengan lebih kerap bagi membendung isu ini daripada berulang pada masa akan datang.



SUMBANGAN FOOD BANK

Oleh: Editor

Pada 9 September 2021, bertempat di Ruang Lobi Ibu Pejabat Majlis Bandaraya Iskandar Puteri, Medini Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama Dato' Mohd Rashidi Mohd Noor, Timbalan Pengurus Jawatankuasa Khidmat Masyarakat dan Kesihatan Kebangsaan Bulan Sabit Merah Malaysia telah menghadiri majlis penyampaian sumbangan keperluan harian keluarga Kampung Orang Asli Simpang Arang hasil kerjasama Jawatankuasa Khidmat Masyarakat dan Kesihatan Kebangsaan Bulan Sabit Merah Malaysia. Penyampaian keperluan harian ini bertujuan untuk membantu mengurangkan beban harian keluarga berkenaan.



BANCI MALAYSIA 2020

Oleh: Editor

Sesi memuktamadkan Banci Malaysia 2020 Majlis Bandaraya Iskandar Puteri telah diadakan pada 21 September 2021. Setinggi-tinggi penghargaan dan ucapan terima kasih diucapkan kepada semua penduduk sekitar Majlis Bandaraya Iskandar Puteri kerana telah menjayakan Banci Malaysia 2020. Tahniah dan syabas kepada YB Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri merangkap Penolong Pesuruhjaya 1, Encik Mohd Farid bin Kassim merangkap Penolong Pesuruhjaya 2, Tuan Haji Abu Bakar bin Mohamed Salleh, Setiausaha MBIP merangkap Penolong Pesuruhjaya 3, Yang Berhormat Dato' Sallehuddin bin Hassan, mantan Penolong Pesuruhjaya 1, Penguasa Daerah, MyAD, MyCD dan semua ahli Jawatankuasa Pelaksanaan Banci Daerah (JKPBD) Johor Bahru 2 dalam usaha menjayakan sesi bancian Majlis Bandaraya Iskandar Puteri. Sesi ini turut dihadiri oleh Puan Asmilah binti Legiman merangkap MyAD Johor Bahru 2.

**PROGRAM VAKSINASI BERGERAK ANAKKU**

Oleh: Editor

Sekolah Menengah Kebangsaan Damai Jaya telah dijadikan Pusat Pemberian Vaksin di bawah Program Vaksin Anakku anjuran Jabatan Kesihatan Negeri Johor pada 26 September 2021. Seramai 700 orang murid telah terlibat dengan Program Vaksinasi Bergerak Anakku.



KAKITANGAN BERSARA

Oleh: Antasya binti Mohamed

Pihak Majlis merakamkan ucapan penghargaan kepada kakitangan berikut yang telah bersara wajib di atas sumbangan yang diberikan kepada pihak Majlis sepanjang tempoh perkhidmatan.

Butiran kakitangan adalah sebagaimana berikut:



Nama	: S. MOORTHY A/L SAPAYAH
Jawatan	: Pembantu Operasi N11
Tarikh Bersara	: 30 September 2021
Jabatan	: Jabatan Kejuruteraan



JASAMU DIKENANG (KAKITANGAN YANG TELAH MENINGGAL DUNIA)

Oleh: Antasya binti Mohamed

Pihak Majlis telah kehilangan kakitangan yang sangat komited dan berdedikasi dalam menjalankan tugas. Warga kerja MBIP merakamkan ucapan takziah kepada keluarga yang telah kembali ke Rahmatullah. Semoga allah memberikan ganjaran yang besar kepada ahli keluarganya yang sentiasa sabar. Semoga rohnya ditempatkan di kalangan orang-orang yang beriman dan bertakwa.



Nama	: IDRIS BIN ISMAIL
Jawatan	: Pekerja Awam R1
Tempoh Berkhidmat	: 01 Oktober 2013 - 29 September 2021
Jabatan	: Jabatan Lanskap



PELANTIKAN KAKITANGAN BAHRU (KONTRAK)

Oleh: Antasya binti Mohamed

SENARAI KAKITANGAN BAHRU LAPOR DIRI PADA 1 OGOS 2021

Majlis Bandaraya Iskandar Puteri telah membuat pengambilan kakitangan baharu bagi mengisi kekosongan jawatan. Syabas dan tahniah diucapkan kepada mereka yang telah dilantik dalam perkhidmatan awam. Pihak Majlis berharap agar mereka dapat menjalankan tugas yang diberikan dengan penuh dedikasi, amanah dan tanggungjawab.

Butiran kakitangan adalah sebagaimana berikut:



Nama	: MUHAMAD AMARUL BIN SAMSUDIN
Jawatan	: Pegawai Teknologi Maklumat F41 (Kontrak)
Jabatan	: Jabatan Khidmat Pengurusan (Bhg. Teknologi Maklumat)



Nama	: MOHAMAD IDZUAN BIN JAMAL
Jawatan	: Penolong Arkitek Lanskap JA29 (Kontrak)
Jabatan	: Jabatan Lanskap



Nama	: NURULSYAFIQAH BINTI NOR'AIDEN
Jawatan	: Pembantu Tadbir (P/O) N19 (Kontrak)
Jabatan	: Jabatan Pelesenan



**MAJLIS BANDARAYA ISKANDAR PUTERI
JALAN MEDINI SENTRAL 9, BANDAR MEDINI ISKANDAR,
79250 ISKANDAR PUTERI, JOHOR DARUL TA'ZIM.**

 www.mbigp.gov.my

 1-300-80-5000

 07-5555000

 019-7555404

 MBIP - Majlis Bandaraya Iskandar Puteri

 @mbipofficial

 @mbipofficial

